

REGIONAL NEWS

HEADLINES:-

1. Lokayukta Chairperson thar atan Pu Lalmalsawma chu vawiin khan Larsap Dr. Haribabu Kambhampati an rinawmna thu tiamtirin a lalut.
2. Mizoram Lok Sabha inthlan lo awm tur atana inbuatsaihna ngawrh taka kalpui a ni.
3. Lok Sabha inthlanpui neih hmain Election Commission chuan state paruka Home Secretary leh West Bengal Director General of Police a sawn.
4. Vladimir Putin chu a zawna vawi nga na atan Russia President atan thlan leh a ni.

<><><>

LOK AYUKTA CHAIRPERSON

Lokayukta Chairperson thar atan Pu Lalmalsawma chu vawiin khan Larsap Dr. Haribabu Kambhampati an rinawmna thu tiamtirin a lalut.

Lakluh inkhawm hi Raj Bhawan Durbar Hall-ah vawiin tlai khan neih a ni a, Mizoram Sawrkarin Chairperson Lokayukta atana a ruatna lehkha chu Chief Secretary Dr. Renu Sharma in a chhiar chhuah hnuin, Larsap chuan rinawmna thu tiamtirin Pu Lalmalsawma chu a la lut a ni.

Vawiin lakluhna inkhawmah hian Chief Minister Pu Lalduhoma, Speaker Pu Lalbiakzama bakah Minister leh sawrkar hotulu pawimawh an tel bawka a ni.

Pu Lalmalsawma hi March 1st 1958 -ah Gaya khua, Bihar-ah a piang a. August ,1983 khan Indian Administrative Service (IAS)-ah inziak tlingin AGMUT cadre a zawm a. Sawrkar laipuah leh Delhi, Goa leh Mizoram sawrkara department hrang hrangah hna pawimawh tak tak a chelh thin a; Mizoram Chief Electoral Officer mawh phurhna kum 8 chuang a chelh tawh a ni.

Pu Lalmalsawma hian Mizoram Chief Secretary hna kum 2014 atanga 2018 thlang a thawk a, hemi hnu hian sorkar hna atangin a pension a ni.

<><><>

LOK SABHA ELECTION PREPARATION

Mizoram Lok Sabha inthlan lo awm tur atana inbuatsaihna ngawrh taka kalpui a ni a,

Aizawl Bawrhsap Pi Nazuk Kumar chuan vawiin khan Aizawl DC Conference Hall-ah chanchinbu mite a kawmnaah chuan Mizoram Lok Sabha intlanah hian a vawi khat nan pianphunga rualbanlo (PwD) hlangin an vil polling station pakhat siam tum a ni a ti a, hei bakah hian hmeichhe hlangin an vil polling station a awm leh dawn a, Aizawl district-a assembly bial tinah tinah pali zel dah a ni ang, a vaiin 48 awm tura ruahman a ni a ti.

Rualbanlo leh kum 85 chin chung lam ten anmahni chenna In a vote an thlak theihna turin ruahmanna siam a ni leh bawka a. District Election Officer Pi Nazuk Kumar chuan MLA inthlanah vote a tla tha thin tih sawiin, Lok Sabha inthlanah erawh India ram pum thlirin Mizoramah vote a tla tha tawka lo thin chu pawimawh a ti a, kuminah hian vote thla tha se a duh thu a sawi bawka.

Inthlanna a mawhphurhna nei tur team hrang hrangte training chu pek zawh thawkhat a ni tawh a. Polling party te training thawkhatna hi March ni 26 leh ni 27 hian neih tum a ni a, Master Trainers 24 ten training an pe dawn a. Inthlanna atana hman tur khawlte hi endik zawh tawh niin District Strong Room-ah dah mek an ni a.

Election-a candidate-te sum hman dan ngun taka vil turin Assistant Expenditure Observers, Flying Squads (FS), Static Surveillance Teams (SST), Video Surveillance Teams (VST), Video Viewing Teams (VVT), Accounting Teams, Media Certification & Monitoring Committee te dah an ni a, heng bakah enforcement agencies hrang hrang ten inthlanna muanawm leh felfai tak a nih theih nan an vil dawn a ni.

Puan tawh angin Mizoram Lok Sabha inthlan vote thlak ni atan April ni 19 ruat a ni a, inthlan hriattirna hi naktip ni 20 ah tihchhuah a ni anga, inthlan chuh tumte tan ni 27 thleng hun hawn a ni a, ni 28 ah chuh tumte hming endik a ni anga, ni 30 hma in inhnukdawk duhte tan hun hawn a ni.

Vote tla hi ramchung hmun dang rualin June ni 4 ah chhiar a ni ang.

<><><>

PC PARTY MP CANDIDATE

April ni 19 –a Lok Sabha inthlan neih turah People's Conference party (PC Party) Candidate atan Pi Rita Malsawmi, Aizawl Laipuitlang a cheng mek ruat a nih thu an party President Pu Vanlalruatan a puang.

Vawiin khan Kolasib District MJA Press Club-ah PC Party General Hqrs President Pu Vanlalruata chuan an party Candidate hi puangin, thlan tlin anih theih nan theihtawp chhuah an tum thu a sawi a, an Candidate chu thlan tlin anih chuan party bik tan nilo; mipuite huapzo tur leh mipuite duh khawpa hnathawk thei tur anih thu a sawi. MP atan thlan tlin anih chuan mipuiten awlsam taka an dawr theih nan Aizawl-ah office hawn an tum thu sawi in, an Candidate chu vote theuh turin Mizoram mipuite a sawm ani.

Pu Vanlalruata chuan, kum thar 2025 ah an party chuan an kum 50-na (lawm an tum thu sawi in, state Assembly inthlan hnukung berah Candidate an neih loh chhan chu an party in insawhngheh an duh vang anih thu leh tunah chuan an party office luah man an dawn thin atangin an in sawhngheh deuh tawh thu a sawi bawk.

PC Party MP Candidate atana puan tak Pi Rita Malsawmi chuan thusawi in, thlan tlin anih chuan Mizoram sorkar chu dik taka hna a thawh theih nan thawhpui a tum thu a sawi a, sorkar laipui in Uniform Civil Code (UCC) kalpui a tum te, Myanmar nena ramri hung a tum leh Free Movement Regime (FMR) thiah a tum te chu na taka dodal a tum thu a sawi a, PC party Founder Brig. T. Sailo (L) sulhnu chhui in Bairabi Hydrel Project hmalakna chhunzawm leh District hrang hrangah Industry lian tham din anih theih nana hmalak a tum thu a sawi.

PC Party MP Candidate Pi Rita Malsawmi hi Pu LT Muana (L) leh Pi Vanlalruati, Kolasib Venglai te fanu niin, November ni 22, 1975 ah Hortoki ah piang in, Kolasib ah hian a seilian a, tunah hian Aizawl Laipuitlangah a cheng mek ani.

Eizawna leh hnathawh avangin hun engemawchen India ram khawpui thenkhatah a cheng thin a, zai leh hla phuah lamah te kal in, Modelling lamah pawh thui tak a kal bakah Five Star Hotel ah te a thawk thin ani.

<><><>

PC PARTY MP CANDIDATE

April ni 19 –a Lok Sabha inthlan neih turah People's Conference party (PC Party) Candidate atan Pi Rita Malsawmi, Aizawl Laipuitlang a cheng mek ruat a nih thu an party President Pu Vanlalruatan a puang.

Vawiin khan Kolasib District MJA Press Club-ah PC Party General Hqrs President Pu Vanlalruata chuan an party Candidate hi puangin, thlan tlin anih theih nan theihtawp chhuah an tum thu a sawi a, an Candidate chu thlan tlin anih chuan party bik tan nilo; mipuite huapzo tur leh mipuite duh khawpa hnathawk thei

tur anih thu a sawi. MP atan thlan tlin anih chuan mipuiten awlsam taka an dawr theih nan Aizawl-ah office hawn an tum thu sawi in, an Candidate chu vote theuh turin Mizoram mipuite a sawm ani.

Pu Vanlalruata chuan, kum thar 2025 ah an party chuan an kum 50-na (lawm an tum thu sawi in, state Assembly inthlan hnuhnung berah Candidate an neih loh chhan chu an party in insawhngheh an duh vang anih thu leh tunah chuan an party office luah man an dawn thin atangin an in sawhngheh deuh tawh thu a sawi bawk.

PC Party MP Candidate atana puan tak Pi Rita Malsawmi chuan thusawi in, thlan tlin anih chuan Mizoram sorkar chu dik taka hna a thawh theih nan thawhpui a tum thu a sawi a, sorkar laipui in Uniform Civil Code (UCC) kalpui a tum te, Myanmar nena ramri hung a tum leh Free Movement Regime (FMR) thiah a tum te chu na taka dodal a tum thu a sawi a, PC party Founder Brig. T. Sailo (L) sulhnu chhui in Bairabi Hydel Project hmalakna chhonzawm leh District hrang hrangah Industry lian tham din anih theih nana hmalak a tum thu a sawi.

PC Party MP Candidate Pi Rita Malsawmi hi Pu LT Muana (L) leh Pi Vanlalruati, Kolasib Venglai te fanu niin, November ni 22, 1975 ah Hortoki ah piang in, Kolasib ah hian a seilian a, tunah hian Aizawl Laipuitlangah a cheng mek ani.

Eizawna leh hnathawh avangin hun engemawchen India ram khawpui thenkhatah a cheng thin a, zai leh hla phuah lamah te kal in, Modelling lamah pawh thui tak a kal bakah Five Star Hotel ah te a thawk thin ani.

<><><>

CBC OUTREACH PROG

Aizawla Central Bureau of Communication, Field Office bultumin National Institute of Technology (NIT) ah vote thlak tura inzirtirna, Systematic Voters' Education and Electoral Participation (SVEEP) programme hman a ni.

Associate Professor & Convener, Electoral Literacy Club, Govt. Aizawl North College Dr.C. Lalhmanmawia chuan kalkhawmte zirtirin India ram chu khawvelah Democracy ram lian ber leh inthlang ram a ni a ti a. Vote nei te chuan vote thlak ngaipawimawh tur in leh vote la nei turte pawhin vote thlak hi kan tih mak mawh a ni ati. State Assembly leh Lok Sabha inthlan chauh nilo Village Council, Local Council leh Panchayat inthlan ah te pawh vote thlak zel turin kalkhawm te a fuih bawk. Vote la nei lo tan a voter ID online kaltlang a siam dan leh EVM hman dan te Powerpoint hmanga in hrilhfiarna hun hman a ni.

He hun ah hian Quiz Competition neih niin Lawmman sem nghal a ni a. Daw-Re-Me Drama & Cultural Club, Bawngkawn ten Sarlamkai kalkhawm te hnen ah an entir.

<><><>

LADC

Lai Autonomous District Council, Caretaker, Lawngtlai DC, Pu Cheemala Siva Gopal Reddy chuan Lai Autonomous District Council hnuai Department hotute meeting vawiin khan a neihpui.

DC chuan LADC Officer-te nen thawhona tha tak neih a duh thu sawiin, thawhona thatak hnuai hmalakna te chuan mipui hnen a thlen a tul a ni a ti a, Lok Sabha inthlanpui hmachawn mekah pawh theihtawp chhuah a tanlakho tul a tih thu a sawi.

Hna thataka an thawh chuan Lawngtlai District hming a tha anga, mipuiin a zar an zo dawn a ni a ti a, District chung tan chauh nilo, hmundang atang pawha

tlawh chakawm khawpin Lawngtlai District dinhmun chu siam tul a tih thu LADC Caretaker chuan a sawi bawk.

State Sorkar leh LADC Sorkar chuan thawhdunna thatak a neihzuiz el a beisei tih sawiin, LADC ah Executive Committee awm loh avanga harsatna leh File pending an neihte a sawi pui a, a theih chin chin chinfel pui a tum thu a sawiin, harsatna leh hriatthiam loh emaw, rawtna in neih pawhin engtik lai pawhin dawnsawn leh chinfel a inhuam thu a sawi bawk.

<><><>

EC

Lok Sabha inthlanpui neih hmain Election Commission chuan state paruka Home Secretary leh West Bengal Director General of Police a sawn. Thudawn danin Home Secretary an sawnte hi Gujarat, Uttar Pradesh, Bihar, Jharkhand, Himachal Pradesh leh Uttarakhand amite an ni a. Hei bakah hian Mizoram leh Himachal Pradesh-a General Administration Department secretary te a sawn bawk a. Brihanmumbai Municipal Commissioner Iqbal Singh Chaal bakah Additional Commissioner leh Deputy Commissioner te pawh sawn an ni bawk.

<><><>

CUET-UG

National Testing Agency (NTA) chuan May ni 15 leh ni 31 inkar chhungin CUET-UG exam a buatsaih dawn. Hemi chung hian ramchung Lok Sabha inthlanpui vote thlak ni May ni 20 leh ni 25 a tla dawn a.UGC Chairperson M Jagadesh Kumar chuan tun thla March ni 26 thleng exam turte tan dilna thelulh theih a ni dawn a. CUET-UG exam tur zirlai zat leh an awmna hmun hriat theih a ni dawn a. Hemi data leh inthlan ni chhiar chungin CUET-UG exam ni tur hi May ni 15 leh ni 31 chhungin neih a ni ang a ti.

<><><>

PRESIDENT PUTIN

Vladimir Putin chu a zawna vawi nga na atan Russia President atan thlan leh a ni. President Putin hian vote tla zawng zawng atangin zaa 87 a hmu a. Election official te chuan candidate dangten vote zaa 5 chauh an hmu an ti a. Heti hian President Vladimir Putin hian kum ruk dang President hna a chelh chhunzawm leh dawn a ni.

<><><>